

Balua gba Polo pi omabhuka na gũdhũ na Efeso Eli na kalanu

Balua inde li Polo aye e pi omabhuka na Efeso-o, ngatsia ngaiza kalanu engu inde pindji mabhundja gba Ebhe, ngubula napo bhula ndu oehe hana inde ani abho e, ohe inde na abhula ne bhe na pila doto bhũ dabili bini ne Kilisito maka ndjindji-o (1:10). Ani nga'i okpala gba Ebhe me u du akobho li lele mabhundja na ngbengbe bhomu inde pi ndu okpala hana bhũ nakpetse lio ne Kilisito.

Bhũ balua inde ane okulu oehe bhelé inde ngasuno me, okpala gba Ebhe ngadu bini bhũ makpetse bhũ dabili bini ne Kilisito: Piga gba Ebhe maka kute kpala inde li Kilisito nde ne 'ndji e. A di maka eti inde li Kilisito nde ne nepanda na e-o. A la matá di maka elo inde li Kilisito nde maka ko e-o. Bhũ nagama ongu gba Polo pindji mabhundja na badha bhũ 'bu gba Ebhe inde bhũ Kilisito-o, a ne oeli bhende ngatu kpala, a la di ne oeli inde nga'e bua kpala abhula ma gba! Ndu 'ngu bhomu-o hana ngau lie li zi 'kpi na mukunda gba Kilisito, bhũ makiso, bhũ mambu, bhũ badha bhũ 'bu, a la di-e bhũ navulu lio.

Ongbengbe ongu inde bhũ bhuku inde-e ngae inde:

Eli na kalanu 1:1-2

Kilisito a la di-e Dadjua gba Ebhe 1:3 – 3:21

Mukobho na mbia bhú Kilisito 4:1 - 6:20
Eli na soso 6:21-24

Polo yi omabhuka na Efeso mayi

¹ Ngama Polo, ma ne bhulɔ titima gba YesuKilisito , anga Ebhe akunda mo-o. Ma aye balua inde-e pi okpala na bububu gba Ebhe inde bhú gudɔ na Efeso, inde abhuka la di Yesu Kilisito-o. ² A ayo me Ebhe 'Dyi ní, ne Ngámá gba ní Yesu Kilisito, suno bádha bhú 'bu gba o-o pi yi, amba u ha di guo 'ngú pi yi.

Ebhe atuko bisagu pí ní bhú nakpɔtɔ gba ní ne Yesu Kilisito

³ Ní dhogɔ Ebhe, 'Dyi Ngámá gba ní Yesu Kilisito-o! Aní atuko bisagu pí ní bhú nakpɔtɔ liní ne Yesu Kilisito, anga aní aha ndɔ bisagu hana na bhobua na abhúlá-a pi ní. ⁴ Kala me Ebhe bho doto-o, aní abɔ nani ní bhɔtode ngubula me ní dɔ ne okpala gba ni li pápá gba Kilisito, amba ní dɔ ne okpala inde bubu, u ti da nau siti 'ngú napapa li o de. Padhá de, anga aní akunda ní. ⁵ Kaka, nayie nani bhɔtode naali-e, aní amene me ní kolo ongisi gba ni li pápá gba Yesu Kilisito. A bhomɔ-o engú inde aní amene e pi ní bhú bádha bhú 'bu gba e-o. ⁶ Ní toko sangu gba Ebhe ngubula bádha 'ngú inde aní amene e pi ní ne bádha bua gba e, anga aní akunda me amene lie mo-o bhú Ndili gba e na mukunda-o.

⁷ Padhá de, anga bhú nakpɔtɔ liní ne Yesu-o, Ebhe agbegbe ní bhú siti 'ngú ka ngute aní. Aní atsia ambu li siti 'ngú gba ní-o. Ebhe asuno pi ní bhomɔ-o tia inde bhú bádha bhú 'bu gba e, ⁸ inde

ani aha e me a nde abedhe bedhe-o. Ani atsia aha di ndu imbilangu hana pi ní. ⁹ Ani asuno engú gba e inde awo lie mawo-o pi ní. Engú inde bhú bádha bhú 'bu gba e inde ani apa nani bhutode me ni améne e bhú Kilisito-o. ¹⁰ Engú inde ani apa me ni améne e li nedhinga ani a'o e-e, a ko nakpøtse ndu 'ngú hana inde abhúlá, ne bhende píla doto-o sa koli Ngámá bini, Kilisito.

¹¹ Bhú nakpøtse liní ne Kilisito-o, ní asia ehe inde li Ebhe apa nani me ni ahá e pi ní-o. Padhá de, anga Ebhe alo nani ní kalanu didili naali maka ani akunda lie-o. La di-e, ani ngamene ndu 'ngú hana maka ani akunda nani lie, di ne maka ani apa lie-o. ¹² Kaka-a, a ayo me ní toko sangu gba Ebhe, nganí okpála inde a'o 'to o nani bhutode bhú Kilisito-o.

¹³ Ngayi di-e, li yi adje ngali na kuku lu 'ngú-o lie, Bádha Ngali inde aha mukobho pi yi-e, yi atsia abhuka Kilisito. Abhomu-o, Ebhe atsia atu kasé inde ngasuno me yi ne ongisi gba ni-e li kute yi, li ani aha Bu Bhobua inde ani apa nani me ni ahá e pi yi-e lie-o. ¹⁴ Bu Bhobua ango-o ne ehe na kalanu bhú ka obabadha 'ngú inde li Ebhe aleke e pi omaha e-o. Ani ngapa pi ní me ní asia ongu ango-o masia li nedhinga li Ebhe agbégbé ní lie bhú siti 'ngú gba ní hana-o. Kaka-a, ayo me ní toko sangu gba Ebhe.

Polo ayo Ebhe ngú omabhuka

¹⁵ Kaka-a, mbia inde-e, li ma adje lie me yi abhuka Ngámá Yesu-o, di ne me yi ne mukunda pi ndu omabhuka hana-a, ¹⁶ ma'o nagie heni pi Ebhe li 'ngú gba yi-e de. Ma ngabhundja yi

bhú omayo gba ma-o. ¹⁷ Ma ngayo ka Ebhe gba Ngámá gba ní Yesu Kilisito, 'Dyi ní na asasaua me aní ha bua na imbilangụ pí yi. Bua ango-o asúno Ebhe pí yi mbámbá, aní tsia méne di me yi mbíla aní na paká paká. ¹⁸ Ma ngayo me aní bhulu imbilangụ gba yi ngú nambíla obabadha 'ngú inde aní apa me ní ahá e pí okpála bhende aní a'i o-o. Ma la di ngakunda me yi mbíla tia di ne sangu inde bhú obabadha 'ngú inde aní aleke e pí okpála gba e-o.

¹⁹ Kaka-a, yi ambíla angu na kuo kuo inde aní nde ne e pí ní omabhuka-o. Angu ango-o, a ko bhende lí Ebhe asuno e na paká paká, ²⁰ nedhinga lí aní azuku Yesu Kilisito líe, aní atsia a'o aní lí pá 'kpa e na kokpa abhúlá-o. ²¹ Oo, aní a'o Kilisito pí 'ndjì ndụ obua hana, pí 'ndjì ndụ obua hana na angu, pí 'ndjì ndụ obua hana na kpekpeke ne pí 'ndjì ndụ o'ílì hana inde u tí da na'i e bha bini nakí de, engú bini, inde u tí da di na'i e bhú oekpí inde ngago ko. ²² Ebhe a'o ndụ 'he hana sa 'dhụ Kilisito. Aní atsia a'o aní Ngámá pí 'ndjì ndụ 'he hana di ne pí 'ndjì Dadjua gba e-o. ²³ Piga gba Ebhe-e, a ko kute Yesu Kilisito. Angu gba aní-e ngadụ bhú Dadjua ango-o, ngaani-e, aní ne ndụ bíli hana.

2

Ní azuku bhú dabilì bini ne Yesu Kilisito

¹ Nani kalanụ-o, yi amu lí bua yi kabula pulụ 'ngú di ne kabula siti 'ngú gba yi-o. ² Yi adụ nakobho bhú siti 'ngú nakpata lele mukobho na doto inde. Yi adụ namanga ngámá na angu gba

osisiti bua inde atɔ 'kpí-o. Ngámá angó-o, a ko bua inde ngamene kulu bhú okpála inde ngagu Ebhe-o. ³ Ní adu bhadi nani ndu ní hana maka uo. Padhá de, anga ní adu nani nakobho bhú gumu na sisiti gba ní-o. Ní adu namene gumu na kute ní, di ne gumu na bua ní. Ka siti 'ngú gba ní-e, a ayo nani me ke 'ngú gba Ebhe-e go pí ní maka okpála koko.

⁴ Engú bini, ndjinga gba Ebhe-e ngbéngbé, mukunda gba ani pí ní-e ngbéngbé naali. ⁵ Kaka-a, ani aha matá mukobho pí ní lí pápá gba Kilisito, nganí okpála inde amu nani ka siti 'ngú gba ní-o. A na paká me ní akobho ka bádha bhú 'bu gba Ebhe. ⁶ Bhú makpɔtsɔ gba ní ne Yesu Kilisito-o, Ebhe azuku ní bhú kuo bhú dabilí bini ne ani, ngubula me ní ɔ bhú dabilí bini ne ani abhúlá. ⁷ Bhú nasuno bádha bhú 'bu inde ani asuno e pí ní bhú Yesu Kilisito-o, Ebhe akunda nasuno bhomu-o ngubula ndu nedhinga hana inde ngago-o bádha bhú 'bu gba e na ngbéngbé ko. ⁸ Padhá de, anga yi akobho ka bádha bhú 'bu gba Ebhe kabula nabhuka. Mukobho angó-o yie ka yi de, a ko ehe inde lí Ebhe aha e pí yi padhá. ⁹ Mukobho angó-o yie ka okulu gba yi-e de. Kaka-a, a ayo de me kpála bini pa 'lí e tété-e de. ¹⁰ A na paká me Ebhe abho ní ngae. Ani abho ní bhú nakpɔtsɔ liní ne Yesu Kilisito ngubula me ní mene ongú na babadha. Obabadha 'ngú angó-o, Ebhe aleke nani pí ní bhɔtode me ní mene.

Yesu akpɔtsɔ omaYuda ne obhende ne omaYuda ade-e bhú nakpi gba e-o

¹¹ Yi bhundja nga maka yi adu nani lie kalanu-o. Ngayi okpála inde li omaYuda adu na'i o me okpála inde i li gandja* de, anga bhú nazu-o, yi ne omaYuda ade. U atsia adu na'i lio me o ne okpála inde ali gandja. A ko la ehe inde li okpála amene e li kute ne 'kpa o. ¹² A na paká me bhú nedhinga bhomu-o, yi adu nani de Kilisito tsutsu. Yi adu ne ogandji okpála , yi du nani bhú piga gba omaIsalaele de. Gandja inde li engú li Ebhe apa nani lie me ni améne e pi okpála gba ni-e alu pí e, du pi yi de. Yi adu nani nadu píla doto me yi nde 'o 'to yi 'to Ebhe de. Ebhe du la di bhú yi de. ¹³ La mbia inde-e, bhú nakpøtø liyi ne Yesu Kilisito-o, ngayi okpála inde adu nani de ani tsutsu-o, yi adyudyo liyi de ani masikpe kabula ngute ani-o.

¹⁴ Padhá de, anga Kilisito ngae makpe aha guo 'ngú pi ní ngae bhú namene me omaYuda, ne okpála bhende ne omaYuda ade-e kolo koli okpála bini. Bhú nakpi ka ani-e, ani agugumu kozie inde adu nani nagbo bhusu uo-o. Kozie ango-o adu nani nayala lio sunda o. ¹⁵ Ani abulu líli gba Moidje ne odapo ango-o hana. Ani amene me omaYuda, di ne okpála bhende ne omaYuda ade-e kolo koli piga bini na mbia bhú nakpøtø lio ne ani. Abhomu-o, ani atsia agie guo 'ngú. ¹⁶ Bhú nakpi ka ani li kulusi-e, Kilisito akpøtø uo bhú koli kute bini. Ani atsia agie makpolia sunda uo ne Ebhe. Li pápá na kulusi-e, ani a'e yala sunda uo. ¹⁷ Kilisito ago ngubula nakpokpo

* **2:11** 2:11 Gandja: A adu nani engú inde asuno me a inde-e kpála ka Ebhe.

Bádha Ngali na guo 'ngú pí yi okpála inde adu nani tsutsu de Ebhe, di pí okpála inde adu nani masakpe-o. ¹⁸ Li pápá gba Kilisito-o, ndu ní hana, omaYuda ne okpála bhende ne omaYuda ade-e, ní ti da nadyudyo liní de Ebhe, 'Dyi ní, ka koli Bu Bhobua bini.

¹⁹ Kaka-a, ngayi okpála inde ne omaYuda ade-e, yi matá ne ogandji okpála ade, yi maka ogomago ade. Engú bini, yi mbia inde-e ne ongisi na kuti, yi bhú ká okpála gba Ebhe. Yi ne okpála na piga gba Ebhe. ²⁰ Ngayi-e, yi akolo ndula na eti inde li 'dhu e nde ne obhulu titima gba Yesu, di ne opolofeta. Nepanda na eti angoo, a ko Yesu Kilisito ngae makpe. ²¹ Ani ngamene ngae me eti-e lu kpekpeke. Ani la di ngamene me eti angoo kolo 'ngbé 'ti Ebhe na bubu, inde u a'o e pí Ngamá. ²² Bhú nakpotsø lio ne Kilisito-o, ngayi di-e, yi maka ndula na eti inde u ayiki e-o. Yi atsia akolo ne ndu okpála koko koli eti bini inde li Ebhe ngadu bhú e li pápá gba Bu Bhobua.

3

Polo akpokpo 'ngú pindji engú inde awo lie mawo gba Kilisito

¹ Kaka-a, ngama Polo-o, ma ne kpála na tikpu gba Yesu Kilisito kabula yi okpála inde ne omaYuda ade-o. ² A na paká me yi adje engú pindji kulu inde li Ebhe aha e bhú bádha bhú 'bu gba e me, ma mene e pí yi ko. ³ Ebhe ambamba ta 'ngú gba e inde awo lie mawo muma, ngubula me ma mbila tata-a ndjindji. Ma aye mbo 'ngú pí

yi pépé bedi. ⁴ Nedhinga yi ngatanga balua inde-e lie, yi ti da nambila imbilangu inde ma nde ne e li engú inde awo lie mawo gba Kilisito-o. ⁵ Nani kalanu-o, Ebhe mbamba nga nani ta engú angoo pi okpála na kalanu-o de. Engú bini, ani asuno mbia inde-e li pápá gba Bua gba e pi obhulu titima na bububu gba Yesu, di ne pi opolofeta . ⁶ Okpála inde ne omaYuda ade-e ngasia koli ehe bini ne omaYuda. Uo bhú koli kute bini. U asía la di ehe inde li Ebhe apa me ni améne e bhú Yesu Kilisito li pápá na Bádha Ngali-e masia.

⁷ Ma akolo kpála na kulu na kpokpo Bádha Ngali ka bádha bhú 'bu gba Ebhe , inde ani aha e muma bhú angu gba e-o. ⁸ Ngama-a, ma ne mboye kpála bhú ká ndu okpála gba Ebhe-e hana. Engú bini, Ebhe atsia aha bádha bhú 'bu gba e muma ngubula me ma kpokpo Bádha Ngali pi okpála bhende ne omaYuda ade-e pindji tia na ngbéngbé gba Kilisito, inde ane mabhundja gba okpála mane-o.

⁹ Ma ti da nasuno pi ndu okpála hana mbámábá maka li Ebhe ngamene engú gba e inde awo lie mawo lie-o. Ngaani-e, a ko kpála inde abho ndu 'he hana. Nayie nani didili naali-e, engú angoo adu me a nde awo lie mawo, ¹⁰ ngubula me mbia inde-e, kabula engú li Ebhe amene e bhú Dadjua gba e-e, ndu obua hana, di ne ndu obua hana na angu inde abhúlá-a ti da nambila imbilangu gba Ebhe inde u ti da nambila alo na e de. ¹¹ Ndu 'ngú bhomu-o amene lie li lele mabhundja li Ebhe adu nani ne e nayie li lilita, inde ani amene e bhú Yesu Kilisito, Ngámá gba ní-o. ¹² Ní akpetse

liní ne Kilisito, ní atsia abhuka la di aní. Kaka-a, li ndu kpadji hana ní adú ne tsulu de ngú nadyudyo liní de Ebhe. ¹³ Kaka-a, ma ngayo ka yi me, bua yi asía ndala ka likabhu inde ma ngazue e ngubula yi-e de. Likabhu ango-o mangbo ngaha pi yi sangu .

A ayo me omabhuka mbila lele mukunda gba Kilisito inde ane ndu 'ngú hana-o

¹⁴ Kaka-a, ma ngatutu lipuku ma kuto kala 'Dyi ní Ebhe, ¹⁵ li ndu piga hana inde abhúla ne píla doto adha bhú e-o. ¹⁶ Ma ngayo ka aní me aní ha angu pi yi li pápá na Bhobua gba e, anga sangu gba aní-e ne 'ngbé tia na ngbéngbé. Abhomu-o, yi tsia sía angu li bua yi. ¹⁷ A ayo me Kilisito si kuti e li bhobua yi li pápá bhe nabhuka . Ma ngayo me sie yi li bhú mukunda mali, la di me a lu bhú mukunda ango-o malu. ¹⁸ Abhomu-o, yi kólo ne angu ngú nambila bhú dabili bini ne ndu okpála gba Ebhe-e hana me lele mukunda gba Kilisito pi ní-e, ane mane! ¹⁹ Yi mbila lele mukunda gba Kilisito inde ane ndu 'ngú hana u ti da nambila e-o. Yi abédhe ne ndu 'ngú hana inde bhú Ebhe-e bedhe.

²⁰ Ebhe ngamene kulu bhú ní ne angu gba e-o. Li ní yo 'he ka aní-e, aní ti da nahaha pi ní bhelé ane mane, anga angu gba aní-e ane ndu 'ngú hana inde ní ti da nabhundja e. ²¹ A ayo me sangu du ne aní bhú Piga gba Ebhe di ne bhú Yesu Kilisito, ndu nedhinga hana, duduma ne duduma. A adu moko.

4

Yi gili ndu 'kpí hana nadu bhú makpɔtsɔ ne Kilisito

¹ Ngama kpála inde bhú tikpu anga ma ngamene kulu pi Ngámá-a, engú inde ma ngayo e ka yi kpékpéke-e ngae inde: ngayi okpála inde li Ebhe a'i o-o, kaka-a, yi dhuku maka li okpála inde li Ebhe a'i o-o adhudhuku lie-o. ² Yi du ndu 'kpí hana nakɔ liyi ne kuto, yi du ne bhuku bua, di ne 'ndjá bua. Yi kibila liyi bhú ongú inde sɔnda yi-e ne bua na mukunda. ³ Yi gili ne angu hana nadu bhú makpɔtsɔ inde li Bu Bhobua ngaha e bhú guo 'ngú inde ngagbite yi bhú dabili bini ko. ⁴ A ne koli kute bini, di ne koli Bu Bhobua bini. Ebhe a'i la bhadi ní me ní 'o 'to ní to koli 'he bini. ⁵ Koli Ngámá bha bini, ne koli nabhuka bini, di ne koli batisimo bini. ⁶ Koli Ebhe bha bini, inde 'Dyi ndu okpála hana. Ani ngau pí 'ndji ndu okpála hana. Ani ngamene kulu bhú ndu okpála hana, ani la di ngadu bhú ndu omabhuka hana.

⁷ La-a, Kilisito aha pi kpála ne kpála angu gba Bhobua ngú namene ehe. Ani atsia aha di bhe gba kpála ne kpála pi e ne bádha bua. ⁸ U aye me:

«Li ani a'u lie abhúlá-a,
ani abha okpála na tikpu ne angu,
ani atsia aha angu gba Bhobua ngú namene
ehe pi okpála.†»

⁹ La-a, napa me «ani a'u abhúlá-a», a akunda napa pi? Bhobhomu-o akunda napa me, kala na'u abhúlá-a, Kilisito akɔ ngaiza a satɔ. ¹⁰ Kpála

† 4:8 4:8 Tsia bhú Ets. 68:19.

inde akɔ a satɔ-o, a ko di kpála inde a'ɔ abhúlá tsutsu ngubula me aní dɔ bhú ndɔ 'he hana. ¹¹ A ko aní inde aha kulu pí kpála ne kpála-o. Aní aha pí okoko nadɔ obhulɔ titima gba Yesu , okoko ne opolofeta . Okoko ne omɔsuno na Bádha Ngali , okoko ne odimandɔ, i dɔ di-e omɔsuno. ¹² Yesu amene me okpála gba Ebhe-e kolo bedhe ngú namene kulu gba aní, ne okulu inde lí Kilisito aha e pí uo bhomɔ-o, ngubula me kɔte ní inde Piga gba Ebhe-e, kolo kpekpeke. ¹³ Ní mene mo-o, ndɔ ní hana ní kólo bhú makpɔtɔ bini bhú nabhuka ne nambila Ndili gba Ebhe-e ndjindji. Ní bhele bhú nabhuka ango-o, ní tsia kólo libhomu maka Kilisito.

¹⁴ Abhomɔ-o, ní dú matá maka ongisí de. Ní dú la di maka zabɔ inde lí anvi ngadyudyo e ne ndɔ pasɔ hana, di ne anvi na nasuno gba omɔsuno inde ngapite okpála-a de. ¹⁵ Engú bini, i dɔ me ní nde ngapa kukulɔ 'ngú bhú mukunda-a, ní bhéle bhú ndɔ 'ngú hana lí pápá gba Kilisito inde ne 'ndji Piga gba Ebhe-o. ¹⁶ Aní ngamene ngae me oyá ní dɔ bini, aní atsia akpɔtɔ di lie bhú dabili bini ne ní. Kɔte ní inde Piga gba Ebhe-e bhadi moko. I dɔ me nganí inde ne okpála na Piga gba Ebhe-e ní nde ngamene kulu gba ní bhú dabili bini ne mukunda-a, lí Dadjua ango-o bhéle.

Yi koto bhú mukobho na kalanɔ, amba yi kolo okpála na mbia

¹⁷ Engú inde ma ngayo e ka yi ne kekele-e ne 'lí Ngámá-a ngae inde: yi adú nadhuku matá maka omɔpagano de. Padhá de, anga mabhundja gba uo-o padhá. ¹⁸ Imbilangɔ gba uo-o bhú biti.

Mukobho inde ngayie ka Ebhe-e pi uo ade. Padhá de, anga u mbila 'ngú bini de. U agbite la di bua o má ki! ¹⁹ U ngadje numu li 'ngú bini ade. U ngamene ndu 'ngú na sisiti hana inde u akunda namene e. U la di ngakunda olisi ne obhosi ngangá.

²⁰ Pi yi-e, a bhomu-o engú inde u apa e pi yi pindji Kilisito-o de. ²¹ A na paká me u apa ndu 'ngú gba Yesu-o pi yi hana. Maka omakilisito-o, u asuno pi yi kukulu 'ngú inde ní asia e ka ani-o. ²² Kaka-a, a ayo me yi tse mukobho gba yi na kalanu-o. Lele nani maka yi adu lie kalanu-o, yi koto bhúbhú makoto, anga ogumu ango-o ngapite okpála. A la di ngato okpála bhú kuo. ²³ A ayo na'o me Bu Bhobua dji yi libhomu, amba yi kolo okpála na mbia li bua yi, di ne bhú mabhundja gba yi ko. ²⁴ Yi kolo okpála na mbia, inde li Ebhe abho o maka e makpe, inde la di ngau lie bhú mukobho na ngbingbili, inde di bubu li kukulu 'ngú ngagbe e-o.

²⁵ Kaka-a, yi 'o napa eu ma'o. A ayo me kpála ne kpála pa pi kilí e kukulu 'ngú. Padhá de, anga ní ndu ní hana ne yá koli kute bini. ²⁶ I du me bua yi nde ake-e, yi alí bhú siti 'ngú de. A ayo me bua yi kə kala me ela ti.† ²⁷ Yi aká kpadji pi Djabulu de me ani ko pí yi-e de. ²⁸ A ayo me kpála inde adu nako nazi 'he-e, 'o nazi 'he ma'o. A ayo mangbo me ani mene kulu ne 'kpa e makpe, amba ani sia ezu pi e li bádha kpadji. Ani du la di ne ehe ngú nateteke okpála inde li ehe aneke ka o-o. ²⁹ Eli na sisiti bini akóto bhú 'bhə

† 4:26 4:26 Tsia bhú Ets. 4:5.

yi de. Yi pa bha bini eli na babadha inde i ti da nateteke okpála koko nakpata gumu gba uo-o, a la di ngamene bádha 'ngú pi obhende ngadjedje-o.

³⁰ Yi ahá likabhú pi Bu Bhobua inde li Ebhe aha e pi yi-e de. Padhá de, anga Bu Bhobua inde li Ebhe atu e li yi maka kasé-e ngapa pi yi ngae me bhú oekpi inde ngago-o, Ebhe agbégbé yi bhú siti 'ngú gba yi-e magbegbe. ³¹ Yi 'e ndu 'ngú hana na sisiti li bua yi ma'e. Yi 'e ndu bua bhú yi ma'e. Yi 'e ke 'ngú bhú yi ma'e. Yi 'o nasusula ma'o. Yi 'o la di nasobho sobho ma'o. Yi 'o namene ndu sisiti 'ngú hana má kpəkəbhə! ³² Yi du sūnda yi ndjindji, amba yi bedhe ne mukunda bedhe. Yi mbu li sisiti 'ngú inde sūnda yi maka li Ebhe ambu la di li yi lie kabula Kilisito-o.

5

Yi dhuku maka okpála inde bhú zi 'kpí

¹ I nde lie me yi nde ne ongisi li Ebhe-e akunda o-o, yi mene ne kpéke me yi du maka ani. ² A ayo me yi du ne mukunda maka Kilisito . Padhá de, anga ani akunda ní. Ani atsia andala 'kpa li mukobho gba e pi ní maka makiso, maka enu inde u atsutsulu e pi Ebhe, inde li se e ngapu ndjindji.

³ Yi ne okpála na bububu gba Ebhe. Kaka-a, a ayo de me u dje ongu nakunda olisi, di ne obhosi ngangá, di ne namene ndu ongu na sisiti hana, i du di-e gumu 'he naali bhú ka yi-e de. ⁴ A ayo de me siti 'li, ne engú na ngingi, ne zibotu koto bhú 'bhə yi-e de. Engú bini, yi gie mangbo heni

pi Ebhe. ⁵ Yi mbila ndjindji me, kpála bini na zabhe, kpála na zibotu, i du di-e kpála na endju (padhá de, anga endju-o, a ko nayo ebhe na eu), ani lí bhú Nau gba Kilisito di ne Ebhe-e belegu de bini.

⁶ Kpála bini apíte yi ne 'li na padhá padhá de. Padhá de, anga ngua osisiti 'ngú bhomu-o ngagbele ke 'ngú gba Ebhe-e pi okpála inde ngayala namene líli gba ani-e ngae. ⁷ Kaka-a, yi akpétse liyi ne ngua okpála bhomu-o de. ⁸ Yi adu nani kalanu-o bhú biti. La mbia inde-e, li yi akpétse liyi lie ne Ngámá-a, yi akolo bhú zi 'kpí. Kaka-a, yi dhuku maka okpála inde bhú zi 'kpí. ⁹ Padhá de, anga zi 'kpí ngazu ndu 'ngú na babadha hana. A la di ngazu ngbili 'ngú ne kukulu 'ngú. ¹⁰ Yi gili ne kpéke ngú nalo engú inde li Ngámá akunda e-o. ¹¹ Yi akpétse liyi ne okpála bhende ngamene ongú na padhá padhá na sukpe-e de. Engú bini, yi gbe engú angoo mbámbá bhú djila okpála. ¹² Padhá de, anga a ko numu naali ngú nagama 'ngú li 'ngú inde li okpála angoo ngamene e bhú pepe. ¹³ La-a, engú inde u agbe e pi okpála-a, akolo mbámbá. ¹⁴ La di-e, ndu 'ngú hana inde u agbe e li zi 'kpí-e, a akolo bhadi li zi 'kpí. Kaka-a, u apa me:

«Ngamu kpála inde ngala-a, zuzuku,
 yie bhú ká okpála inde amu-o mayie,
 amba Kilisito suno zi 'kpí gba e pi mu.»

¹⁵ Kaka-a, 'ee, yi lila liyi ndjindji bhú nakobho ka yi-o. Yi adú nakobho maka ongingi de. Engú bini, yi du nakobho maka okpála na imbilangu.

¹⁶ Yi djele onedhinga inde yi nde bhú e ndjindji.

Padhá de, anga onedhinga inde ní nde bhú e sisiti. ¹⁷ Kaka-a, yi adú maka ongingi de. Engú bini, yi mene ne kpéke me yi mbila engú inde li Ngámá akúnda me yi mene e-o.

¹⁸ Yi alángba ne pandi de. Padhá de, anga pandi ngatima kpála bhú 'ngú na púpulu. Engú bini, yi bedhe mangbo ne Bu Bhobua . ¹⁹ Yi to masi bhú yi ne nali ndu odjua oetsi hana inde li Bu Bhobua ngaha e-o. Yi toko Ngámá ne bua yi hana. ²⁰ Yi gie heni pi 'Dyi ní Ebhe ndu nedhinga hana, di ne ngú ndu 'ngú hana ne 'li Ngámá gba ní Yesu Kilisito.

A ayo me elø ne bhoko manga lio sunda o

²¹ Yi manga liyi sunda yi kabula mazima yi nde ne e pi Kilisito ko.

²² Ngayi olisi-e, yi manga obhosi gba yi-e maka yi ngamanga Ngámá lie-o. ²³ Padhá de, anga bhoko ne ngámá pí 'ndji wala e, maka li Kilisito nde lie ne Ngámá pí 'ndji Piga gba Ebhe-o. Kilisito ne Mukobho na Piga gba Ebhe. Piga angoo maka kute ani. ²⁴ A ayo me olisi manga obhosi gba o-o bhú ndu 'ngú hana, maka Piga gba Ebhe-e ngamanga Kilisito lie-o.

²⁵ Ngayi obhosi-e, yi du ne mukunda pi olisi gba yi, maka li Kilisito akúnda Piga gba Ebhe-e lie-o. Ani asuno mukunda angoo li nandala kpa li mukobho gba e ngubula Dadjua angoo.

²⁶ Ani akúnda nani namene me Piga gba Ebhe-e kolo bubu, ani atsia avulu ne engu* di ne 'li e.

²⁷ Padhá de, anga ani akúnda nani me Piga gba

* **5:26** 5:26 Engu: A ko batisimo. Tsia bhú Tit. 3:5.

Ebhe-e koto kala ni ne sangu gba e hana. A adú ne doto bhú e de, ne engú na sisiti napapa tété de, di ne zibotú de. Dadjua ango-o dú la di bubu, inde u ti da nau siti 'ngú napapa li e de.

²⁸ Kaka-a, a ayo me obhosi dú ne mukúnda pi olisi gba o maka u akúnda kúte o lie makpe-o. Padhá de, anga kpála inde ne mukúnda pi wala e-e, ani ngakúnda bhomu-o li e makpe. ²⁹ Padhá de, anga kpála bini inde ayala kúte e makpe ade. Engú bini, kpála ne kpála ngaku kúte e, di ne nalilila ndjindji, maka Kilisito ngamemene lie bhú Piga gba Ebhe-e ko. ³⁰ Padhá de, anga ní ne tika kúte ani. ³¹ A maka u aye lie bhú bhuku gba Ebhe-e me: «Kaka-a, bhoko a'ó ká 'dyi e ne 'hi e ngubula nakpetse lie ne wala e. U tsia kólo ndu o bhisi hana koli kúte bini.†» ³² 'Ngbé 'ngú na kukulú awo lie bhú engú inde u apa e bhomu-o. Ngama-a, ma apa me u ngapa 'ngú bhomu-o li 'ngú gba Kilisito di ne Piga gba Ebhe. ³³ Engú bini, u la di ngapa 'ngú ango-o pi yi: a ayo me bhoko ne bhoko dú ne mukúnda pi elə gba e maka ani akúnda li e lie makpe-o. A ayo la di me elə ne elə manga 'ko e.

6

Lele dasúndu gba ongisi ne okpála azu o-o

¹ Ngayi ongisi, engú inde a ayo me yi mene e maka li Ngámá akúnda lie ngae inde: yi manga okpála azu yi-e mamanga, anga bhobhomu-o ndjindji. ² Lili na kalanú inde li Ebhe asuno e

† 5:31 5:31 Tsia bhú Dje. 2:24.

di ne napa me ni améne ehe bhú e ngae inde: «Manga 'dyi m̄ ne 'hi m̄ mamanga, ³ amba m̄ d̄u ne kpála na djali, m̄ tsia bhúe la di ngengele p̄la doto.†»

⁴ Ngayi odyi ongisi, yi améne de me ongisi gba yi-e kolo ne kpéke 'ndji-e de. Engú bini, yi k̄u uo ne nalili uo di ne naha líli inde ayie ka Ngámá-a p̄i uo.

Lele dasundu gba obalise ne omakulasi o

⁵ Ngayi obalise, yi manga omakulasi yi p̄la doto mamanga ne nazi uo ndjindji, ne koli bua bini m̄ḡito me yi ngamanga Kilisito . ⁶ Yi améne bha bini mo-o li nedhinga inde u ngatsia 'kp̄i li yi lie de. Padhá de, anga yi mene mo-o, i mána m̄ḡito me yi amene nḡubula me okpála ziba yi. Engú bini, yi mene engú inde li Ebhe ak̄nda e ne koli bua bini, maka obalise gba Kilisito. ⁷ Yi mene kulu p̄i omakulasi yi ne bádha bua m̄ḡito me, yi ngamemene p̄i Ngámá ngae makpe, anga yi mene p̄i kpála de. ⁸ Padhá de, anga yi ambila me, abana i d̄u bali, i d̄u di-e bali de-e, kpála ne kpála asía makalá sakpa Ngámá li lele bádha kulu li kpála ango-o amene e-o.

⁹ Ngayi, omakulasi okpála, yi mene bhadi moko p̄i obalise gba yi-o. Yi abú tsulu bhú uo ne napa de me yi ató mbolo li uo de. Yi mbila ndjindji me ngayi ne obalise gba yi-e, a ka yi ne koli Ngámá bini abhúlá. Aní gbogbo bhús̄u okpála de.

† 6:3 6:2-3 Tsia bhú Eki. 20:12; di ne bhú Det. 5:16.

Yi bi tia 'gu inde li Ebhe ngaha e pi yi-o

¹⁰ Ngú nabu tata-a, yi gili angu gba yi-e bhú nakpetse liyi ne Ngámá, bhú angu na ngbéngbé gba ani-o. ¹¹ Yi bi ndu tia 'gu hana inde li Ebhe ngaha e pi yi, ngubula me yi lu kpekpeke kala siti mabhundja gba djabulu-o. ¹² Padhá de, anga ní ngagu gbele ne okpála-kuti ade. Engú bini, ní ngagu 'gú ne osisiti bua inde ne angu abhúlá. Ní ngagu 'gú ne ongámási na angu di ne obhende na sukpe. ¹³ Kaka-a, yi ha ndu tia 'gú gba Ebhe-e hana, amba li nedhinga na sisiti akólo lie, yi de lu kala bhulu yala gba yi-e kpekpeke. La di-e, pita nagu gbele akolo ali soso-o, yi tsia lú li bili yi nde li e kpekpeke.

¹⁴ Ka 'ngú angu-o, yi lu kpekpeke. Yi gbite kukulu 'ngú ludu yi maka mukabha. Yi holo ngbili 'ngú maka bongo na kó 'nu inde ngalila mbulu kpála. ¹⁵ Yi dyi gumu na nakpokpo Bádha Ngali na guo 'ngú maka maloké. ¹⁶ Yi holo nabhuka ndu 'kpí hana maka kopí. Bhobhomu-o ahá angu pi yi ngú nabulu ndu edji hana inde ne djua gba Satana . ¹⁷ Yi dyi mukobho maka ndata na kalase. Yi holo Eli gba Ebhe-e maka mbotia inde li Bu Bhobua ngaha e-o.† ¹⁸ Yi mene ndu 'ngú bhomu-o hana bhú mayo. A na paká, yi yo Ebhe bhú ndu 'ngú hana maka li Bu Bhobua atéteke yi lie-o. Kaka-a, yi alá-a de, yi yo Ebhe ndu 'kpí hana pi ndu okpála hana na bububu-o.

¹⁹ Yi yo di Ebhe mu ma, amba Ebhe ha eli na

† **6:17** 6:14-17 Tsia bhú İsa. 59:17, 11:5, 27:1, 34:5, 49:2; ne bhú Oz. 6:5; ne bhú Ebe. 4:12; di ne bhú Apok. 1:16, 19:15.

ngbingbili muma nedhinga ma akunda nagama 'ngú lie-o. La di-e, a ngubula me ma adú ne tsulu de nedhinga ma ngambamba ta ongú inde awo lie bhú Bádha Ngali-e lie-o. ²⁰ Ma ne bhulu titima na Bádha Ngali inde ma nde bhú tikpu ngubula e-o. Kaka-a, yi yo Ebhe ngú ma, amba ma akpókpo Ngali ango-o ne tsulu de, ma kpokpo mangbo maka a ayo lie-o.

Eli na soso

²¹ Tisiko, ndai ní na mukunda, kpála inde di ngamene kulu gba Ngámá ndjindji akpókpo ndu 'ngú hana inde atsia ma pi yi. Ani akpókpo pi yi ngubula me yi mbila lele maka ma nde lie di ne ehe inde ma ngamene e-o. ²² Ma atima ani ngubula nakpokpo pi yi lele maka ya nde lie, amba ani to di masi bhú yi.

²³ A ayo me Ebhe 'Dyi ní, di ne Ngámá Yesu Kilisito ha guo 'ngú, ne mukunda di ne nabhuka pi ndu ondaise ní hana. ²⁴ A ayo me bádha bhú 'bu gba Ebhe du ne ndu okpála hana inde ne mukunda na duduma pi Ngámá gba ní Yesu Kilisito ko.

Gandja na Mbia
Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 3 Mar 2023 from source files
dated 29 Jan 2022

6b4904fb-f8ce-5931-8218-7cee8914232c